

53.

1380 März 11

Die Brüder Niclaus, Peter und Jekel Stolzel verkaufen einen Acker.

fol. 10r Wisset das Nicolaus Stolczel und sin bruder Peter^{a)} und Jekel Stolczel haben Hanse Kirtscher und siner vrawen vorkauft den acker uf dem berge gensit der brucken czu eyne rechten erbe und der acker get von dem rathe czu lehen und dy vorgeantent Stolczel haben Hanse Kirtscher und siner vrowen den obgenantent acker vor uns uf gelasen czu eyne rechten erbe und haben sich des ackers vorzigen also, das si kein recht vorbrunge nach ansprache daran nymmermer gehaben sullen noch gehaben mogen. Actum anno domini M° CCC° LXXX dominica judica.

a) über die Zeile geschrieben

54.

1380 März 11; 1383 August 15

Hans Kirtscher vermacht seiner Frau seine Güter.

fol. 10r Wisset das Hans Kirtscher hat vrawen Maruschen, siner elichen wirtinne, mit guten willen und mit wolbedachten mute gelasen lihen den acker uf dem berge und alle ander erbe, dy her hat in der stat und uf dem felde, dy von dem rate czu lehen gen, wy dy namen haben vnd wo dy gelegin sint, czu eyne rechten erbe. Actum anno domini M° CCC° LXXX dominica judica.
^{a)}Daz selbe ist ouch anderwit geschehin anno domini M° CCC° LXXXIII° ame sunnabinden nach assumptionis Marie, da Hennel Storch burgermeister waz, vor ym und andern sinen mitsesin alz hernach M° CCC°^{b)} LXXXII geschribin sten.^{a)}

a-a) Zusatz b) folgt durchgestrichen LXXIXII

55.

1380 Juni 16

Die Eheleute Maruscha und Heinrich Arnold vermachen sich gegenseitig ihre Güter.

fol. 10v Wisset das vrowe Marusche, Nickel Schakans tochter, hat Heinrich Arnolde, irme wirte, uf gelasen alle dy gute und anefal, der si von Nickel Schakan, irme vater, angefallen mag innewendig und usse wendig, dy von dem rate czu lehen gen. Ouch hat Heinrich Arnolt vrowen Maruschin wider globt vor uns in vollem rate, das her ir ouch sal lase lihen und uf lase alle sine gute, dy